

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14) i Pravilnika o postupku direktnog sporazuma („Sl. glasnik BiH“, broj 90/14) i na osnovu Odluke o prihvatanju cijene ponuđača broj: 05.12.101-1103 - Odluka o prihvatanju cijene ponuđača/17, zaključuju slijedeći:

UGOVORNE STRANE:

ZAVOD ZA JAVNO ZDRAVSTVO FEDERACIJE BiH, sa sjedištem u Sarajevu, ulica Maršala Tita 9, ID: 4200735860007 koga zastupa direktor Prim. Dr. Davor Pehar (u daljem tekstu Ugovora: Izvršilac)

i

J.U. ZAVOD ZA JAVNO ZDRAVSTVO KANTONA SARAJEVO, ulica Dr. Mustafe Pintola br.1/III Ilidža, Identifikacioni broj: 4200329950003, koga zastupa direktorica Dr. med. sci. Snježana Balta, primarius, (u daljem tekstu Ugovora: naručilac posla)

zaključili su u Sarajevu slijedeći:

U G O V O R

o pružanju usluga

Član 1.

Predmet ovog Ugovora su usluge koje je Izvršilac obavezan da pruža Naručiocu u skladu sa Ponudom Izvršioca broj: S-06-02-4-267-2/17 od 09.03.2017. godine (u daljem tekstu Ugovora: Ponuda), koja je sastavni dio ovog Ugovora, zatim shodno odredbama Zakona o zaštiti stanovništva od zaraznih bolesti ("Službene novine F BiH", br. 29/05), Pravilnika o načinu obavljanja zdravstvenih pregleda osoba pod zdravstvenim nadzorom ("Službene novine FBiH", br. 20/08), Pravilnika o načinu i obimu sticanja potrebnih znanja o higijeni životnih namirnica, sirovina namjenjenih za proizvodnju životnih namirnica i predmeta opšte upotrebe i o ličnoj higijeni („Sl. list RBiH“, br.30/88), te ostalim važećim zakonskim i podzakonskim propisima iz predmetne oblasti, i to:

- Zdravstveni nadzor nad uposlenicima Naručioca (sanitarni pregledi).

Član 2.

Cijene usluga iz člana 1. ovog Ugovora bit će obračunate i isplaćene prema realizovanim količinama i cijenama po jedinici mjere iz Ponude. Cijene za sve predmetne usluge su nepromjenljive za vrijeme trajanja ovog Ugovora.

| | | |
|------------------------------------|---|----------|
| 1. | Sanitarni pregled zaposlenika (zdravstveni pregled osoba koje podliježu zdravstvenom nadzoru), po cijeni od | 23,30 KM |
| Sanitarni pregled obuhvata: | | |
| - | Zdravstveni nadzor (liječnički pregled, epidemiološka obrada, administr. poslovi); | |
| - | bakteriološki pregled brisa nosa i grla na piogeni stafilokok i betahemolitički streptokok grupe A (kliconoštvo); | |
| - | Izdavanje sanitarne knjižice | |

Predmetne usluge vršit će se u ambulantom Izvršioca u sjedištu Izvršioca u vremenu od 9,00 do - 12 sati.

Takođe, ove usluge mogu vršiti i u prostorijama naručioca posla, uz prethodni dogovor i pod uslovom da obezbijede najmanje 10 (deset) lica kojima treba izvršiti sanitarni pregled i adekvatan prostor za sanitarni pregled.

Član 3.

Izvršilac nije registrovan kao porezni obveznik, iz razloga što obavlja medicinske usluge i usluge zdravstvene zaštite koje su u skladu sa članom 24. stav 1. tačka 2. Zakona o porezu na dodatnu vrijednost („Službeni glasnik BiH“, broj 9/05 i 35/05) i članom 25. stav 1. Pravilnika o primjeni Zakona o porezu na dodatnu vrijednost („Službeni glasnik BiH“, broj 52/05) oslobođene od plaćanja poreza na dodatnu vrijednost.

Član 4.

Za svaku izvršenu uslugu Izvršilac će Naručiocu dostaviti original fakturu na adresu sjedišta Naručioca.

Ugovorne strane su saglasne da će Naručilac vršiti plaćanje u roku od 30 (trideset) dana od dana prijema ispravne i originalne fakture Izvršioca.

Neblagovremena isplata fakture od strane Naručioca posla daje pravo Izvršiocu posla da obračuna zakonsku kamatu, ili da traži avansnu uplatu za vršenje predmetnih usluga, ili da obustavi vršenje predmetnih usluga.

Naručilac će ugovorene usluge platiti Izvršiocu na žiro račun broj: Union banke d.d. broj: 102-050-00001066-98, uz naznaku vrste prihoda 722612, Oštine 077 i budžetske organizacije 2002001.

Naručilac se obavezuje da će Izvršiocu o izvršenoj uplati dostavljati dokaz o izvršenoj uplati (peti primjerak ili dr.).

Član 5.

Izvršilac je obavezan da:

- pristupi pružanju predmetnih usluga u skladu sa Ponudom, broj:S-06-02-4-267-2/17, zatim shodno odredbama Zakona o zaštiti stanovništva od zaraznih bolesti („Službene novine F BiH“, br. 29/05), Pravilnika o načinu obavljanja zdravstvenih pregleda osoba pod zdravstvenim nadzorom („Službene novine FBiH“, br. 20/08), Pravilnika o načinu i obimu sticanja potrebnih znanja o higijeni životnih namirnica, sirovina namjenjenih za proizvodnju životnih namirnica i predmeta opšte upotrebe i o ličnoj higijeni („Sl.list RBiH“, br.30/88), te ostalim važećim zakonskim i podzakonskim propisima iz predmetne oblasti,
- predmetne usluge pruži stručno i kvalitetno.

Član 6.

Ovaj Ugovor se zaključuje na određeno vrijeme, odnosno do završetka usluga koje su predmet ovog Ugovora.

Član 7.

Svaka od ugovornih strana ima pravo otkazati ovaj Ugovor sa otkaznim rokom od 30 (trideset) dana.

Otkaz ugovora se daje u pismenoj formi, s tim da otkazni rok počinje da teče od dana prijema otkaza ugovora.

Član 8.

Ukoliko Izvršilac grubo krši odredbe ovog Ugovora Naručilac ima pravo na jednostrani raskid ovog Ugovora (bez obaveze poštivanja ugovorenog otkaznog roka), koji stupa na snagu na dan dostavljanja Izvršiocu pisane obavijesti o raskidu. Ukoliko je Naručilac dao dodatni rok Izvršiocu

za ispunjenje obaveze, odnosno otklanjanje nedostataka, raskid Ugovora stupa na snagu na dan isteka tog dodatnog roka, ukoliko Izvršilac ne ispuni svoje obaveze, odnosno ne otkloni nedostatke u ostavljenom dodatnom roku.

Član 9.

Izmjene i dopune teksta ovog Ugovora moguće su samo uz obostran pristanak ugovornih strana, datu pismenom obliku.

Član 10.

Za pitanja koja se pojave tokom realizacije a nisu regulisana ovim Ugovorom primjenjuju se odredbe Zakona o obligacionim odnosima.

Član 11.

Ugovorne strane su saglasne da sve eventualne nesuglasice rješavaju sporazumno, a ukoliko to nije moguće nadležan je stvarno i mjesno nadležni sud.

Član 12.

Ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

Ovaj se Ugovor smatra zaključenim i stupa na snagu nakon potpisivanja ovlaštenih lica obje ugovorne strane.


U znak prihvata svih prava i obveza iz ovog Ugovora, ugovorne strane vlastoručno ga potpisuju.

NARUČILAC
JU ZAVOD ZA JAVNO ZDRAVSTVO
KANTONA SARAJEVO
SARAJEVO
DIREKTORICA:



.....
(Dr med. sci.Snježana Balta,primarius)

IZVRŠILAC
ZAVOD ZA JAVNO ZDRAVSTVO FBIH
SARAJEVO
DIREKTOR:



.....
(Prim. dr. Davor Pehar)

Broj: 05.12.101-1103-Ugovor/17
Sarajevo, 10.03.2017.godine.

Broj: S-06-02-4-267-4/17
Sarajevo, 22-03. .2017. godine